

內經鍼刺

二冊

光緒甲申仲穉重摹
李若愚題籤



黃帝內經靈樞卷五

五邪第二十

邪在肺則病皮膚痛寒熱上氣喘汗出欬動肩背取

之膺中外腧背三節五藏

一本作五
腧又五節

之傍以手疾按

之快然乃刺之取之缺盆中以越之邪在肝則兩脅

中痛寒中惡血在內行善掣節時腳腫取之行間以

引脅下補三里以溫胃中取血脈以散惡血取耳間

青脈以去其掣邪在脾胃則病肌肉痛陽氣有餘陰

氣不足則熱中善饑陽氣不足陰氣有餘則寒中腸

鳴腹痛陰陽俱有餘若俱不足則有寒有熱皆調于



三里邪在腎則病骨痛陰痺陰痺者按之而不得腹
脹腰痛大便難肩背頸項痛時眩取之湧泉崑崙視
有血者盡取之邪在心則病心痛喜悲時眩仆視有
餘不足而調之其輸也

寒熱病第二十一

皮寒熱者不可附席毛髮焦鼻槁腊不得汗取三陽
之絡以補手太陰肌寒熱者肌痛毛髮焦而唇槁腊
不得汗取三陽于下以去其血者補足太陰以出其
汗骨寒熱者病無所安汗注不休齒未槁取其少陰
于陰股之絡齒已槁久不治骨厥亦然骨痺舉節不

用而痛汗注煩心取三陰

一本作三陽

之經補之身有所

傷血出多及中風寒若有所墮墜四支懈惰不收名

曰體惰取其小腹臍下三結交三結交者陽明太陰

也臍下三寸關元也厥痹者厥氣上及腹取陰陽之

絡視主病也寫陽補陰經也頸側之動脈人迎人迎

足陽明也在嬰筋之前嬰筋之後手陽明也名曰扶

突次脈足少陽脈也名曰天牖次脈足太陽也名曰

天柱腋下載脈臂太陰也名曰天府陽迎頭痛曾滿

不得息取之人迎暴瘡氣鞭

同硬

取扶突與舌本出血

暴聾氣蒙耳目不明取天牖暴攣癰眩足不任身取

天柱暴痺內逆肝肺相搏血溢鼻口取天府此爲天
牖五部臂陽明有人鳩徧齒者名曰大迎下齒齠取
之臂惡寒補之不惡寒寫之足太陽有人鳩徧齒者
多曰角孫上齒齠取之在鼻與鳩前方病之時其脈
盛盛則寫之虛則補之一曰取之出鼻外足陽明有
挾鼻入于面者名曰懸顙屬口對入繫日本視有過
者取之損有餘益不足反者益其足太陽有通項入
于腦者正屬日本名曰眼系頭目苦痛取之在項中
兩筋間入腦乃別陰蹻陽蹻陰陽相交陽入陰陰出
陽交于目銳眥陽氣盛則瞑目陰氣盛則瞑目熱厥

取足太陰少陽皆留之寒厥取足陽明少陰于足背

留之舌縱涎下煩惋

音悶

取足少陰振寒洒洒鼓頤不

得汗出腹脹煩惋取手太陰刺虛者刺其去也刺實

者刺其來也春取絡脈夏取分腠秋取氣口冬取經

輸凡此四時各以時爲齊絡脈治皮膚分腠治肌肉

氣口治筋脈經輸治骨髓五藏身有五部伏兔一腓

二腓者膕也背三五藏之腧四項五此五部有癰疽

者痲病始手臂者先取手陽明太陰而汗出病始頭

首者先取項太陽而汗出病始足脛者先取足陽明

而汗出臂太陰可汗出足陽明可汗出故取陰而汗

出甚者止之于陽取陽而汗出甚者止之于陰凡刺之害中而不去則精泄不中而去則致氣精泄則病甚而恇致氣則生爲癰疽也

癲狂第二十二

目眚外決于面者爲銳眚在內近鼻者爲內眚上爲外眚下爲內眚癲疾始生先不樂頭重痛視舉目赤甚作極已而煩心候之于顏取手太陽陽明太陰血變而止癲疾始作而引口啼呼喘悸者候之手陽明太陽左强者攻其右右强者攻其左血變而止癲疾始作先反僵因而脊痛候之足太陽陽明太陰手太

陰血變而止治癰疾者常與之居察其所當取之處
病至視之有過者寫之置其血于瓠壺之中至其發
時血獨動矣不動灸窮骨二十壯窮骨者骹骨也骨
癰疾者顙音坎齒諸腧分肉皆滿而骨居汗出煩惋
嘔多沃沫氣下泄不治筋癰疾者身倦攣急大刺頂
大經之大杼脈嘔多沃沫氣下泄不治脈癰疾者暴
仆四肢之脈皆脹而縱脈滿盡刺之出血不滿灸之
挾項太陽灸帶脈于腰相去三寸諸分肉本輸嘔多
沃沫氣下泄不治癰疾者病發如狂者死不治狂始
生先自悲也喜忘苦怒善恐者得之憂饑治之取手

太陰陽明血變而止及取足太陽陽明狂始發少臥
不飢自高賢也自辯智也自尊貴也善罵詈日夜不
休治之取手陽明太陽太陰舌下少陰視之盛者皆
取之不盛釋之也狂言驚善笑好歌樂妄行不者皆
得之大恐治之取手陽明太陽太陰狂目妄見耳妄
聞善呼者少氣之所生也治之取手太陽太陰陽明
足太陰頭兩顙狂者多食善見鬼神善笑而不發于
外者得之有所大喜治之取足太陰太陽陽明後取
手太陰太陽陽明狂而新發未應如此者先取曲泉
左右動脈及盛者見血有頃已不已以法取之灸骨

臍二十壯風逆暴四肢腫身漯漯唏然時寒饑則煩
飽則善變取手太陰表裏足少陰陽明之經肉清取
榮骨清取井經也厥逆爲病也足暴清胃若將裂腸
若將以刀切之煩而不能食脈太小皆瀼煖取足少
陰清取足陽明清則補之溫則寫之厥逆腹脹清腸
鳴胃滿不得息取之下胃二脅欬而動手者與背膂
以手按之立快者是也內閉不得洩刺足少陰太陽
與臍上以長鍼氣逆則取其太陰陽明厥陰甚取少
陰陽明動者之經也少氣身漯漯也言吸吸也骨瘦
體重懈惰不能動補足少陰短氣息短不屬動作氣

索補足少陰去血絡也

熱病第二十三

偏枯身偏不用而痛言不變志不亂病在分腠之間
巨鍼取之益其不足損其有餘乃可復也痹音肥之爲
病也身無痛者四肢不收智亂不甚其言微知可治
甚則不能言不可治也病先起于陽後入于陰者先
取其陽後取其陰浮而取之熱病三日而氣口靜人
迎躁者取之諸陽五十九刺以寫其熱而出其汗實
其陰以補其不足者身熱甚陰陽皆靜者勿刺也其
可刺者急取之不汗出則泄所謂勿刺者有灸徵也



熱病七日八日脈口動喘而短者急刺之汗且自出
淺刺手大指間熱病七日八日脈微小病者洩血
中乾一日半而死脈代者一日死熱病已得汗出而
脈尚躁喘且復熱勿刺膚喘甚者死熱病七日八日
脈不躁躁不散數後三日中有汗三日不汗四日死
未曾汗者勿腠刺之熱病先膚痛窒鼻充面取之皮
以第一鍼五十九苛軫鼻索皮于肺不得索之火火
者心也熱病先身濇倚而熱煩惋乾唇口噤取之皮
以第一鍼五十九膚脹口乾寒汗出索脈于心不得
索之水水者腎也熱病噤乾多飲善驚臥不能起取

之膚肉以第六鍼五十九曰皆青索肉于脾不得索
之木木者肝也熱病面青腦痛手足躁取之筋間以
第四鍼于四逆筋楚目浸索筋于肝不得索之金金
者肺也熱病數驚癎音癎音而狂取之脈以第四鍼
急寫有餘者癎疾毛髮去索血于心不得索之水水
者腎也熱病身重骨痛耳聾而好瞑取之骨以第四
鍼五十九刺骨肉不食齧齒耳青索骨于腎不得索
之土土者脾也熱病不知所痛耳聾不能自收口乾
陽熱甚陰頗有寒者熱在髓不可治熱病頭痛顛
而涉音顛音日瘳音脈痛善衄厥熱病也取之以第三
切

鍼視有餘不足寒熱痔熱病體重腸中熱取之以第四
鍼於其膺及下諸指間索氣于胃脘得氣也熱病
挾臍急痛胃脅滿取之湧泉與陰陵泉取以第四鍼
鍼啞裏熱病而汗且出及脈順可汗者取之魚際大
淵大都太白寫之則熱去補之則汗出汗出大甚取
內踝上橫脈以止之熱病已得汗而脈尚躁盛此陰
脈之極也死其得汗而脈靜者生熱病脈尚盛躁而
不得汗者此陽脈之極也死脈盛躁得汗靜者生熱
病不可刺者有九一曰汗不出大顴發赤噦者死二
曰泄而腹滿甚者死三曰目不明熱不已者死四曰

老人嬰兒熱而腹滿者死五曰汗不出嘔下血者死

六曰舌本爛熱不已者死七曰欬而衄汗不出出不

至足者死八曰髓熱者死九曰熱而瘕

巨郢切

者死腰

折癰癰齒噤

音介

也凡此九者不可刺也所謂五十

九刺者兩手外內側各三凡十二痛五指間各一凡

八痛足亦如是頭入髮一寸傍三分各三凡六痛更

入髮三寸邊五凡十痛耳前後口下者各一項中一

凡六痛巔上一頤會一髮際一廉泉一風池二天柱

二氣滿膺中喘息取足太陰大指之端去爪甲如薤

葉寒則留之熱則疾之氣下乃止心疝暴痛取足太

陰厥陰盡刺去其血絡喉痹舌卷口中乾煩心心痛
臂內廉通不可及頭取手小指次指爪甲下去端如
韭葉目中赤痛從內眥始取之陰蹻風瘓身反折先
取足太陽及膈中及血絡出血中有寒取三里癰取
之陰蹻及三毛上及血絡出血男子如蠱女子如怛
身體腰脊如解不欲飲食先取湧泉見血視跗上盛
者盡見血也

厥病第二十四

厥頭痛面若腫起而煩心取之足陽明太陰厥頭痛
頭脈痛心悲善泣視頭動脈反盛者刺盡去血後調

足厥陰厥頭痛貞貞頭重而痛寫頭上五行行五先
取手少陰後取足少陰厥頭痛意善忘按之不得取
頭面左右動脈後取足太陰厥頭痛項先痛腰脊爲
應先取天柱後取足太陽厥頭痛頭痛甚耳前後脈
湧有熱寫出其血後取足少陽眞頭痛頭痛甚腦盡
痛手足寒至節死不治頭痛不可取于膺者有所擊
墮惡血在于內若肉傷痛未已可則刺不可遠取也
頭痛不可刺者大痹爲惡日作者可令少愈不可已
頭半寒痛先取手少陽陽明後取足少陽陽明厥心
痛與背相控善瘕如從後觸其心偃僂者腎心痛也